

Шунмгъа депутат

Эн джил бääрн газрин куч-көлсчнрин депутатнрин Советмүдт сунъгъвр болхд Элст балгъсна ремстройконторин каменщик үр Галина Николаевна Харченко куч-көлсчнрин депутатнрин Хальмг танъгъчин Советин депутатд сунъгъгдла. 4-ч округин сунъгъврч улс нег дуугъар Харченкон төлө дуугъан өгцхәсмн.

Тосхлтин көдлмшт нерән туурүлгсн күүнд дуугъан өгцхәсн сунъгъачнр эндүрцхәсн уга. Галина Николаевна ода каменщик улсин түрүн нүүрт йовдж, үлгүр үзүлдж көдлдж йовсн деерән, депутат күүнә даалгъвриг бас шунмгъа кевәр күүцәдж йовна.

Куч-көлсчнрин өгсн даалгъвр ягъдж күүцәгддж йовхинь

үр Харченко эврәннь сунъгъврин округар арднь ордж шүүдж хәләнә. Одахн шидр Галина Николаевна, даалгъвр күүцәлгънд дуту-дунд бääхиг илткәд, танъгъчин күүцәгч комитетәс комисс авч одад, 4-ч округд гурвн худг малтх, хотхоолин нег лавк болн бичкдүдин яслъ тосхк шиидвр гаргъулв.

Эн темдглгдсн тоот көдлмшиг даруд күүцәхин төлөд үр Харченко балгъсна күүцәгч комитетин өмн төр тавәд, бийнь шунмгъагъар орлцдж бääнә. 4-ч округин куч-көлсчнр депутатин күүцәдж йовх көдлмшлән сәәнәр таасджацхана.

Т. ЭРДНИЕВ.

Танъгъчин күүцәгч комитетин
инструктор.